

- 1 Dui aan watter vorme van werkloosheid die volgende is: (a) 'n persoon wat as gevolg van modernisering van werksprosedures op vroeë aftrede moet gaan en (b) 'n spoorstryer wat net gedurende die jagmaande werk het.**

(a) Tegniese werkloosheid.

(b) Seisoenale werkloosheid.

- 2 Hoe verhoog werkloosheid koste vir die staat? Noem drie voorbeelde.**

Die staat moet meer werkloosheidsbetalings doen. Belastinginkomste verminder. Groter uitgawes aan misdaadbestryding.

- 3 Hoe lei werkloosheid tot inkomste-ongelykhede in 'n gemeenskap?**

Met 'n hoë mate van werkloosheid vir 'n lang termyn, verarm 'n groot deel van die gemeenskap, terwyl die deel wat werk 'n relatief hoër inkomste het.

- 4 Hoe kan beter onderwys en opleiding werkloosheid verminder?**

Dit stel werkers in staat om aan te pas by nuwe tegnologie en self nuwe werksgeleenthede raak te sien.

- 5 Wanneer sal 'n veldtog om aankope van plaaslike goedere te bevorder suksesvol wees?**

As die plaaslike goedere beskikbaar is, van geskikte gehalte is en goedkoper as die ingevoerde produk is.

- 6 Kan openbare werke-programme werkloosheid permanent oplos?**

Nee, want uiteindelik moet die arbeidsmag aanpas by die strukturele veranderinge in die ekonomie.

- 7 Wat is ekonomies gemarginaliseerde groepe?**

Dit is groepe vir wie dit moeilik of onmoontlik is om deel te neem aan die ekonomie.

- 8 Watter basiese ingryping behoort die staat te doen ten opsigte van ekonomies gemarginaliseerde groepe?**

Die staat moet toesien dat gehalte onderwys en opleiding vir almal beskikbaar is.

1 Waarom het sakeondernemings 'n vraag na arbeid?

Om daarmee goedere en dienste te produseer.

2 Wat oorweeg 'n sakeman as hy 'n keuse doen tussen meganisering en die gebruik van arbeid?

Die koste van meganisering teenoor die koste van arbeid.

3 Watter twee faktore bepaal die aanbod van arbeid?

Lone en die grootte van die bevolking.

4 Hoe kan 'n sakeman lone gebruik om geskikte werkers te bekom?

Deur hoër lone aan te bied as sy mededingers.

5 Waarom moet daar arbeidswetgewing wees?

Om beide werkgewers en werknemers te beskerm teen onregmatige optrede van die ander party.

6 Wat is die funksie van werkplekforums, bedingingsrade en vakbonde?

Om werkers seggenskap te gee in werksvoorwaardes en om 'n goeie verhouding tussen werkgewers en werkers te bevorder.

7 Watter dokument verskans arbeiders se arbeidsregte?

Die Grondwet.

8 Wat is die doel van die Wet op Arbeidsverhoudinge?

Om maatskaplike geregtigheid, arbeidsvrede en demokratisering van die werkplek te bevorder.

9 Wat is die basiese funksie van 'n vakbond?

Om die belange van die lede te beskerm en om as mondstuk te dien vir die lede.

10 Wat is die doel van die arbeidshof?

Om uitsprake oor arbeidsgeskille te gee.

11 Na watter proses kan werkers en werkgewers hulle wend as die KVBA misluk?

Na arbitrasie.